

# Firmly Star Lyngdoh

KI SAIMUKA  
NA  
DIENGKYNTHONG



1980



# **SCHOOL SECTION**

## **FIRMLY STAR LYNGDOH**

**KI SAIMUKA  
NA  
DIENGKYNTHONG**

**Da kaba burom bad kynmaw ieit ia i Mei, I Drillibon  
Lyngdoh i ba la klad noh naduh ka jinglong  
khynnah rit, ha u snem 1961 bad ia i Pa,  
I B. Pleaswell Thabah i ba la khlad  
noh ha pdeng ka jinglong khynnah  
samla jong nga, ha u Snem 1974.  
Na ki, ka la long ka pukri umpliew  
ha kaba nga la loh ban dii bad  
kjitia ki um bathiang bad ba  
shogiam ha kaba nga la lah  
ban pyrsad mynsiem mynta  
kumba nga long.**

*ia ka hok  
long trai  
la bat  
tyngkai*

**KA SIEN SHON  
KABA  
NYNGKONG**

*La pymih  
da u  
Nongthoh*


---

*La shon ha  
Ri Khasi  
Press, Shillong.*

**GOVERNMENT OF MEGHALAYA  
BLOCK LIBRARY**

**No.** \_\_\_\_\_

**1980**





## SHIKYNTIEN KUM KA LAMPHRANG.

La bun ki jingpynwit, la bun ki mawjynthut, wat la bun ki kam ki duk kiba ap jrim ha shwa jong ngi hyarei kam long pat kaba lah ban khanglad jynduh la kano kano ka jingthmu ne jingagnud jong ngi haba ngi da don ka mon ne ka jingkwah. Ka kyrduh shipa kam long ei ei, hynrei tang ka jinghikai bad jingphrang la ngi kumno ba ngin ieit la la ka kam. Ym don ba lah ban khang ne pynwit la ka mon ba skhem bad ba jwat u briew haba u mon. Ki lum bah ki kylla madan, ki raieh raidam ki kylla ka pyntha ba jyrngam bad ki kper soh kper syntiew ba itynnat. U briew u lah ban leit sha duh ki haw haw bad ban leit iuh kjat wat haduh ki met bneng ruh haba u don ka mon laba skhem bad ba ngi da pynshitom de khyndiat la lade. Ka don ka jingong — “U Blei u iarap la kito kiba iarap la lade.” Haba ngi, ngi pynshitom noh khyndiat ban wad ne shem, kumta ruh u Blei u iarap ba ngin long kiba jop.

Ia kine ki jingrwai nga la thaw katto katne naduh mynba nga dang khynnah, ia kiba nga la pruid lyngba ki jingshem, jing iohi bad jingkynduh jong nga ba man ka sngi ha ki Saw Aiom jong ka jingim. Katto katne pat kiba nga la thaw ynda nga la wan poi sha Shillong, ia kiba nga la pruid lyngba ki jingshem, jingtohi, jingjia bad jinglakynduh jong nga ba man ka sngi ha ka jingim jong nga. Ia kine la pynshong nongrim kat kum ki por, jingjia bad kylla ha ka longbriew manbriew, ka synshar khadar, ka laid ka leng jong ka jaitbynriew, ka akor burom bad bun kiwei kiwei kat kum ki jaka, jingjia, jingkylla ba don ha kane ka Mariang. Kine ki la dung bad ktik la ka jingmut jingpyrkhat jong nga ba nga dei ban leh ei ei, kata da kaba kyrsiew bad pyrt lyngba jong ine i kot barit jong nga ban ialam pat la ka Ri bad jaitbynriew sha ka lawei kaba kyrmen bad ba itynnat.

La kham slem ba nga la thrang ban pynmih la kane ka kot, hynrei khlem da loh lad ban pynmih pyrthei. Ka daw

ka long namarba nga shong sha jugai na Sor, sha ki thaiñ Nongkyndong; kawei ruh ka long namar bun ki jingeh bad jingpynwit kiba ym lah ban kiar ha ka longbriew man briew. Dei tat ynda nga la wan poi shane sha Shillong, khamtam ynda nga la pule ha Kolej ba nga la ioh ban pule shibun ki kot khasi bapher bapher ia kiba la thoh da ki Nongthoh ba pawnsam bad kysai tam jong kane ka juk mynta bad ki por ba la leit. Kane ka la ai mynsiem bad kysiew pat ia nga ba ngan shim pat ia la u khulom sa shisien ban thoh bad bteng pat ia kaei ba nga la pruid dak ha kaba kysiew bad kyntiew ia ka Ri bad jait bynriew kumjuh ruh ban pynriew-spah ia ka thoh ka tar khasi kaba dang duna lyngba jong ine i kot iba long tang ka jingsdang ban kynjoh sha ka phang.

Ngam lah ruh ban iaid lait khlem da pynpaw ia la ka jong ka jingsngewnguh bad burom kaba khraw shibun eh, na ka bynta I bah B.C. Jyrwa, iba la long uwei na ki rangkynih ki rangphawar ba paw khmat ha ka thoh ka tar jong kane ka juk kaba mynta; iba wat ha pdong ka jingbun kam ruh, da ka mon sngewbha bad jingkit khia i la pyllait por khnang ha kaba pule bniah, ia tainia bad ha kaba aibuit ai mynsiem lem ia nga. I la ai ruh ka jingkynthoh jong i kaba long kum ka jingpyrsad mynsiem bad pynshlur ia nga ha kaba nga la lah ban pynmih madan ia kane ka kot.

I la long ruh toi, kum uwei na ki 'lur shai ha uba la Ialam lynti lyngba ki lynti eh bad kyllaiñ. Kane ka la ai jingkyrmen shibun eh ia nga, ha kaba ka la pynkhih ruh ia ka mynsiem shong nga ba ngan dang iai bteng ia la ka kam khlem da shongthait ne sngewlwait noh. To U Blei Un nangai kyrhai ia I ia ka jingkoit jingkhiah kaba paka, khnangba in nanglah ban shakri ia la ka Ri tad jaitbynriew bad ba in nang iai long u Nongai mynsiem ia kiwei ruh kiba la noh mynsiem.

Nga kyrpad ruh ia ki Nongpule baieit ba kin sngewbha ban map bad ban nymthew pylla eh, lada ki lap kano kano ka tam ne duna, ki kiba ki lah ban shem lyngba jong ine i jingpyrshang jong nga; hynrei ba kin ia pyni bad pynbei

lem khnangba kane ka jingshakri ba rit jong nga ia la ka Ri  
bad jait bynriew lyngba ine i jingpyrshang, kan long kaba  
pynshlur bad kaba nangiaid shaphrang

Khatduh eh, ngam lah ruh khlem da pynpaw ia la ka  
jingsngewnguh ia ka Sorkar Jylla lyngba ka Education De-  
partment, kaba la iarap lem ha kaba iarap bei ia ka bai lut  
bai sep ha kaba shon ia kane ka kot.

Khublei shibun eh.

LAITKROH - DIENKYNTHONG,

F. S. LYNGDOH.

Nailur 9, 1980.

---

## SHI KYNTIEN KWAI.

Na ki syrtap sha ki syrtap, ki jingrwai myllung ki kha ban kynud ha la ki sur, ia kiba iohmad ia ki, kin um ka myn-siem hin Kumta haba ngi phai sha une u Myllung uba dang sdang ban thylleng, ka rynieng jong nga ka shad kmen, ba nga iohi ia ka ladai lathai kaba dap da ka jingkmén. U Bah Firmly Star Lyngdoh, u dang shu sei madan ia kawei ka thup kaba u la suit la shor ia ka, 'KA JUBAN KI, JINGIEIT', bad mynta pat u la lah ban sei sa ia kine ki kyn ud myllung, kiba u la buh kyrteng da 'KI SAIMUKA NA DIBNGKYNTHONG'.

Haba shu peit, lah ruh ban pynkut nia, ba kane ka pateng ka la pynkha lut ia ki Nongthoh jong ngi, kiba la phong la kup ha la ka sap ka sap. Nga don ka jingsngew skhem ba ka mynta ka la pynieng ia ki Khnong,, ki Shotshan, ki Bahtympha kiba khlaiñ bha, halor ki Mawnongrim kiba ki kpa tymmen jong ngi ki la pynieng. Ngam artatien ei ei ba kane hi ka pateng ka lah ban sop. ban ker bad ban siang, bad ban iehnoh ia ka airong airup, ka pushara bad ka pyn-phuh pynphieng ha kiwei pat ki Longdien jong ngi. Ki shalyntem ka por shisha ki tyllun stet katta katta bad ka jingiabeh iew ruh kaba khlem shongthait. Wat ha pyrshah kane ruh, pynban kiba im sngi ban shakri ia la ka Ri bad ka jaitbynriew ka nangsuhthied kham jylliew ha ki Myllung jong ngi.

Haba nga phai sha u Bah Firmly Star Lyngdoh, nga iohi ia ka sap ba kyrpang kaba u don, la ka jingih ki ktien katba ngi sngewthuh ka dei ban long katkum ka rta. Pyn-ban ha pyrshah kata ruh, kine ki 34 symboh ki sur bapher kiba u la kyndoh ha kane ka thuprit ki long kiba maian. Hato ka nam bad ka burom ka dei tang ki Palong Sabon? Namar uba wad ia ka ksiar, un nym sngewhun lada u ioh tang da ka rupa.



Ha ka juh ruh ka rukom u Myllung um sngewhun ban rwai tang na sla, khlem da krang ia ki krem ki kroh bad suh khlieh sha ki thwei ba jylliew ban wer ban khot ia ki khun ka Ri. Ym ju don ka thiah thai ha u riewialeh. Ka leh tang dep ruh kam ju suhthied ha ki. Na kata ka daw haba ki leh, kim ju khmih lynti bainong. Ki kam jong ki kim ju kut, hynrei ki don ka jingsdang man ka sngi. Dei da kumta ba u riewkheifiduh u don hok ban ioh ia ka Nam bad ka burom. Ki Mawlynnai kim ju don ha ki Surok ba la siang da ki syntiew, hynrei ki shong sha ki thwei ba jylliew. Bad mano ban sei ia ki lada ym dei kiba sngewthuh ia ka dor jong ki.

U Bah Firmay Star Lyngdoh, kum u Tiewphuhlap, uba don ka jingsngewthuh kaba kyrpang, u la trei jar jar khlem kieh haduh ba un da pynmih syndon na ka Shlem Diengkynthong, kaba wandur wandar bha lymphuiñ. Na ki jingiasyllok, kiba nga la ioh bad une u Samla, nga ioh ha u ia ka sap kaba kyrpang, ryngkat bad ka jingthrang ban shakri ia la ka Ri bad ka jaitbynriew, khlem buh dor lupa ia ka por bad ka bor kaba u la ther ha kane ka bynta. La ki diengtyndung ki ieng ha pyrshah ka lynti ba u iaid, pynban kum u Samla uba ka iaksaid ban ioh ia kaba u angnud, u thew beit la ki khmar sha ka thong, wat la ka jingnoh mynsiem teng teng ka thap ban pynkma noh ia u.

U riewkut jingmut, um ju ailad ia ki jingkynshoit ban pynngad kai ia ka por, ioh ki fiur fiur ka jingrandien ki shukor ia u. Kumta, u dem diap ban wien la ka ryntieh ba u khnam un shei ha ka Sohpdung. Une u Samla u don la ka jingkut jingmut kaba shynna bha ba um dei ban tep ia la ka talen ha khyndew hynrei ban ia khaii bad ka, ba un nangpynroi haduh ba un da ioh ban ai jingkheif ha la u Kynrad Kumba ka don ka por ia ki bynta baroh, kumta ruh ka long bad uba nang ban ia khaii hok bad ka. Namar ka jingbabe ka ju wan, tang ha kito kiba kheif dewthala ia ka por, ha ka ia kaba ka kabu ka dang plie lad ia ki. Ngi im ha ka ia kaba u Patsha jong ka Por um ju ap iano iano. Namarkata, khlem ka jinglen lade bad khlem ka duhthiah

duhdem, ngim lah ban pynkha ei ei ha kane ka pyrthei ba ngi im. Hynrei ngi dei ban da siewspah bha ia la ka por ba ngin nym babe pat ia ka ynda la dier.

U Firmly Star Lyngdoh, hala i bor barit, u la pyrshang ban kylla stong iala ka phang. U da pashat la ki nia ki jutang ba ngin pynhap sawar hi kat kum ka thew ka woh, ka khia ka sting, katba ngi sngewklai. Ynda ngi la ia suh khlich bad u shipor, sha ki Thwei ba jngum ka Kshaid Umdong, ngin sa ioh ban khar ia ki Mawhira nangta. Na kine ki Skit ki sker kiba u la phriang hakhmat jong ngi, ki pynpaw ia ka sap kaba kyrpang kaba u don.

Nga dang khmih lynti sa ia kiwei pat ki thup na ki Thiar jong une u Samla, ki ban dang pynkyndeh shuh shuh ia ki khun ka Ri. Nga ai ruh la ka kyrkhu ka kyrdoh ba un nang kiew irat ha ki jingpyrshang jong u na ka por sha ka por.

**Mawlai Iewrynghep,**  
Shillong - 8  
Nailur 1, 1980.

**B. CHEDRACK JYRWA**  
*Department of Khasi,*  
*Shillong College, Shillong.*

**KI MAT**

<b>Lyn.</b>	<b>Picj.</b>
1. Kshaid umdong	1
2. Ka mawjrong	2
3. Ka lairkroh	3
4. Nga long u khun nongrep	4
5. Ka shnong jong nga	5
6. Ka shlem	6
7. 'Tiew langkati	7
8. Phud stew	8
9. U Lumswer	9
10. Wiat ia la u khnam	10
11. Ki Sohkhith pyrshah ia ki Lamlyer	11
12. Iano ngi kham ieit?	13
13. Peit beith la ki khmat	15
14. Ka Soskular na shisot u Rnai	16
15. Katba me dang rasong	18
16. Mynsiem ka pait	19
17. U khla wait ka nongkhlaw	20
18. Ka bor phylla ka tlang.	21

19. Ri b'la kyrkhu kyrpang	23
20. Mynsiem jong nga ka khuslai	24
21. Ko ri ba ieit	24
22. N'iang thangdoh	25
23. Mynder u nangtur	26
24. Ko khun ka ri kyndit bynriew	27
25. Ki khlaw ki btap ka ri khasi	28
26. Jingmlien ka sniew	30
27. Katba por ka dang don	32
28. Akor sohra	33
29. Ka sap ka phong	33
30. Pyrem ka jingim	34
31. Ka jingphikir	35
32. Jingim u briew	35
33. Syntiew Bun Rong	36
34. U dieng sning	37

## KSHAID UMDONG

Ko Kshaid Umdong arkhap Mawsiang,  
Rymphai phi noh 'fiuh khlieh phi phriang;  
Shathie sha tbian la khlieh phi sum,  
Na ar kyrdan sha pung ba jngum.  
Katba rymphai la khlieh phi noh,  
Ki sur bathiang ki sohtyngkoh;  
Paiñkhar narud ia phi u jngoh,  
U Jamañang u kyor u khroh.  
La khlieh kyrngoh ki ia pynnoh,  
Katba ki sur myllung ki shoh;  
Wat 'Tiew Laphiah napoh sangam,  
Na khap ki fluit u shoh saham.  
Baroh sha phi la khmat kynriang,  
Ban sngap ruh ia ki sur bathiang;  
Ki sim, ki doh ki mrad ki mreng,  
Hajan jong phi ki shad ki kmen.

Ki riat ki ram, ki khlaw ki btap,  
Ki sngewthiang ki shlei ki dap;  
Baroh ki kynud sur ba bang,  
Ha lum ha wah, ha them ha phlang.  
Syntiew ki skud, jingthung jingtep,  
Phi ktik ruh ia mynsiem Nongrep;  
Ki plong ki mer hajan jong phi,  
Ryngkat ki sur ka dong bisli.  
Shisien ba ki la poi sha phi,  
Kim lah khlem mad shi kyndup kti:  
Kim lah khlem shong khlem da pyrkhat,  
Jingitynnad ba pynshoh khmat.  
Nangta pat thiaw shu ngai-ly-ngai,  
Napoh syrngiew ki dieng Jakrai;  
Sha kreñ sha kroh, sha thliew sha syar,  
Jar jar phi tuid jar jar phi par.

Khatduh phi poi shaduh Umiam,  
Ia phi de bak ka kit ka lam;  
Ryngkat bad ka, phi shad phi kmen,  
Ha ban da poi ri thor phi lngen.

---

## KA MAWJRONG

Hangne Mot bah bad Mawbyinna,  
 Ki dang iai sah haduh mynta;  
 Ba kumta da ka jingsarong,  
 Kane ka shnong la jer Mawjriong.

Mawjriong ka dei ruh te ka shnong,  
 B'la seng ruh da u Ni u Kong;  
 Matti jong ki dang i shynna,  
 Kum Mot, Mawshieng bad Mawbyinna.  
 Kine kynjreng ki dang ieng skhem,  
 Ban sah ka nam ban sah kyrteng,  
 Namar ka Ri bad jait bynriew,  
 Ia la wei jong ki ban kyrsiew.  
 Dien jat jong ki, to ngin pyrthuh,  
 Jingtei jong ki ban ym pynduh;  
 Ngin ri sumar ia ki kyndong,  
 Namar jong ki ngin sngewsarong.  
 Jingdon jong ki pynphuh pynphieng,  
 Ia la ka Ri ban pynsynkhien;  
 Sha jriong ki rah ia nam jong ka,  
 Kumba la seng d'u Ni d'u kpa.

Hei ! Paid ka ri kylleng sawdong,  
 Matti longshuwa da kynmaw dngong;  
 Jingtei jong ki wat nym pynmong,  
 Namar jong ki burom ngin phong.

---

## KA LAITKROH

Ha sngap ha sngew ha phi baroh,  
 Ngan thuhkhana ia ka Laitkroh;  
 Ka dei kyrteng kawei ka shnong,  
 Ba don shathie na sor Shillong.  
 Balei ia khot kumtei ia ka,  
 Naduh ki sngi ba mynshuwa;  
 Ka daw ka long kumne hana,  
 Ngan sdang ruh ka iathuhkhana.

Shisien la don kawei ka tymmen,  
 Kaba shong shnong ha Wah N'iangleng;  
 Ryngkat bad la ki khun ki kti,  
 Ka im da rep bad ri jingri.  
 Hadien ynda rep kam long shuh,  
 Bad pulang jingri ruh la kyrduh;  
 Dawei jingmut baroh ki ong :  
 'Ia ngiu shong noh shatei sha jrong.'  
 Kumta ki sdang ban kynriah noh,  
 Ryngkat ruh bad jingri baroh;  
 I'u thiep ki kiew beit beit sha jrong,  
 Napoh 'lawbah lynti ki prong.  
 Katba dang ia'id kumne hapoh,  
 Ki shem pynban da krem da kroh;  
 Kumta ki hap ban ia'id shitom,  
 Lyngba jingeh ban tur ban thom.  
 Hynrei ynda la lait shalor,  
 Ki shem kyrhai pyntha kordor;  
 Kumta ia ki pyntha baroh,  
 Ki jer kyrteng da ka Laitkroh.  
 Namar la lait na krem na kroh,  
 Bad jingshitom jingeh baroh;  
 Nangta ki shna iing kham paka,  
 Ban shong ban sah baroh shi arta.

Nangta ka trei ka ktah ki sdang,  
 Ka sniang ka syiar masi ka blang,  
 Parum pareh sha khlaw sha shnong,  
 Jingkmen sadhai ka ker sawdong.

## NGA LONG U KHUN NONGREP

Nga long u khun nongrep,  
 Ha la i nongkyndong ;  
 Ki kam ngam bit ban pep,  
 Ngan trei nadong shadong.  
 Ki sngi taiew ki bnai —  
 Bad snem ki mareh stet —  
 Khlem lap sngewthuh la wai,  
 La poi por thung por tep.  
 Baroh ki saw samoi,  
 Nga trei shitom hi thait ;  
 Khnang ba ngan dup myntoi,  
 Kumta ngam ju shong thait;  
 Naduh dang step phyrngap,  
 Haduh da longreifi ngaiifi;  
 La thait la thngan hap hap,  
 Marwei nga puh nga daiifi.  
 Ha nga ym don shuti,  
 Ha nga ym don shongthait ;  
 Sha lyngkha man ka sngi,  
 Nga leit ban prat ban mait.  
 Ka riam ka beit ngam da —  
 Salia, iwei patlun —  
 Sopti bad jaiifi ban klum —  
 Na jingkhriat ban ia da.  
 Wat la nga riam tyrphut,  
 Wat la nga bam da shriew;  
 Mynsiem pynban ka suk,  
 Ngam dei u shakri briew.  
 Nga long shakri, nga long —  
 Kynrad, ha la i rympei,  
 Ym don ba lah ia mon —  
 Ban pyndem da lei lei.

---



# KA SHNONG JONG NGA

Ko shnong jong nga ba nga ieit eh,  
 Ko shnong kaba la pynsan pynheh;  
 Naduh dang rit pha kdup pha ri,  
 Ban plung ban mer ha la ka sngi.

Ko shnong jong ki syntiew ki skud,  
 Ko shnong ki dieng ko shnong ki siej;  
 U ngap u lwai ba lai kynud,  
 Ia nongjngohkai ban pynshoh bieit.

Ki lyer pyngngad ki beh jem jai,  
 Ki um ba shngiam ruh ki kyrsoi;  
 Ka shnong ka thaw pahuh de hai,  
 Ha baroh te ki saw samoi.

Pha plie ka lad pha plie lynti,  
 Ban lait na kyrduh ba hiran;  
 Ban suk ban saif ki khun ki kti,  
 Ban loh ka bam ka dih ba biang.

Pham ju niewbeif i'u rit i'u ria,  
 Lymne iaba duk ne riwspah;  
 Pham mon ruh ba kin ia makia.  
 Hynrei bad pha ban shong ban sah.

Na pha la mih ki 'rang bad 'thei —  
 Kynsai, b'la pynbna nam kylleng;  
 Ym don na ki b'la shu sep ei,  
 Khlem da rah i'la nam bad kyrfeng.

Pham ju shah ruh ia ki lili —  
 Pen pen ban wan rieh tngen ha pha;  
 Namar pham kwah ban pyniewli,  
 Ia la jinglong sotti nylla.

Kumta baroh kat kiba shong —  
 Ha pha, dei kiba smat ba sting;  
 Ban shong lali ruh te kim mon,  
 Ki trei ki ktah naphang hi lin.

Ki khun ba sting ka met ka phad,  
 Ki dang lai mih ruh tang na pha;  
 Ki bym ju mon ban shong thad lad,  
 Namar jong pha ko shnong jong nga.

---

## KA SHLEM

Ka Shlem ka dei te ka jaka,  
 Kaba baroh tiar nar la shna;  
 Kum wait, tari lane mohkhiew,  
 Ha dur ba pher ba kwah u briew.  
 I'u nar khlem dur hangne la shna,  
 Ha dur itynnat bad paka;  
 Katba dang saw haiñ haiñ u nar,  
 La tangon stet bad dar bad dar.  
 La saiñ la shoh halor u Rniang,  
 La pynwan dur ruh biang pa biang;  
 Khnangba ki tiar kin long ba bha,  
 Bad kin trei kam baroh shirta.  
 Lane ruh khnangba kin kham neh,  
 Ia ki ha um la phrang pyneh;  
 Jingphrang kam mut tang ia kata,  
 Hynrei ban tip i'u nar ba bha.  
 Kumta dei tang lyngba ka Shlem,  
 Ryngkat ruh bad ka ding ba ryhem;  
 I'u nar ba kdor lah ban pynbeit,  
 Shi khyllipmat bym kynmaw peit.  
 Sarang baroh hangta ka hap,  
 Isbad paka hangne la lap;  
 Lane ia u ba luiñ la pynnep,  
 Da jingsani la trei pyndep.

Kumta te baroh ruh ki tiar,  
 Kiba la mih napoh ka Shlem;  
 Ki dei ruh kiba la paka,  
 Kumta ym don ba lah ban len.

---

**'TIEW LANGKATI.**

Hapdeng ki ñuit marwei u long —  
 'Tiew Langkati ba iwbihi thiàng,  
 Da kumno te sha u ngan thom,  
 Lyngba kine ki ñiut ba jrong.

Jar jar u mih hapoh ki ñiut,  
 Jar jar ruh u phuh syntiew itynnai;  
 Jingsuh-sieng na u kim jukut,  
 Wat la da ki wah duid kin rnat.

Marwei hi u long kper syntiew,  
 Ha la i jong te i jaka;  
 U pynlapngiah ia khmat ki briew,  
 Ia kat kiba wan poi shata.

Napoh ki ñiut ba rben hangta,  
 U sei ia la ka jong ka khlieh;  
 U pynshad la ki khmat thaba,  
 Ban peit i'u ngap ne thapbalieh.

Baroh ia u te ki ñiew beiñ,  
 Ym don ba kynmaw sngi satia;  
 Ki ñiew ba dei tang u ñiut keiñ,  
 Kumta ia u kim da salia.

U long syntiew ba la kheiñ poh,  
 Bad ba la isih da ki briew;  
 Mynha kito ki sngi baroh,  
 Katba dang ngen hapoh dymmiew.

Haba syntiew na u la mih,  
 Napoh kita ki ñiut ba jrong;  
 Baroh te ia u ki kwah khmih,  
 Ban kheit ia u ki ia beh thong.

Mynta ki shem ha lade hi,  
 Marwei ha la shimet-shimet;  
 Ba ia u syntiew Langkati,  
 Da lei lei ngin ym bit ban klet.

---

## PHUD STEW

Ia nga la jer Phud Stew,  
 Da u ba rim ba jah;  
 Ba hadien kin pyrthew,  
 Ym bit ba kin saitlah.

Nga long tang i wah duid,  
 Ba laid na syndah shnong;  
 Ha saw a lom nga tuid,  
 Jingthung kin ym tyrkhong.

Ki briew ka shnong baroh,  
 Ki peit da jinglyngngoh;  
 Namar ngam ju shongthait,  
 Man la ka khyllip mat.

Shaphrang nga tur nga thom,  
 Khlem khein ia jingshitom;  
 Nga rung ia krem ia kroh,  
 Sha thong ban lai kynjoh.

Nga mareh bad nga sum,  
 Ryngkat ka shad ka kmen;  
 Marwei nga long kynhun,  
 Ha syrngiew ki khlaw rben.

Khohruh khohram ki wit,  
 Ki khanglad ruh ia nga;  
 Hynrei sangeh ngam bit,  
 Ngan niom ia ki shirta.

Ngan mareh stet shaid—shaid  
 Wat la bun jingpynwit;  
 Ngan kyrhuh ruh thrait-thrait,  
 Bad nam jingjop ngan kit.

Dei tat ynda ngan poi,  
 Ha duriaw ba longjngum;  
 Ha jingsuk ba kynoi,  
 Pyrthei mariang pyllun.

---

## U LUM SWER

Ko lum Swer ! Balei kumne !  
 Me sngewsih bad khuslai sat,  
 Ka jingshai mynshwa ha me —  
 Mynta pat ka jah noh jak !

Te balei ? Kaei ka daw ?  
 To iathuh lem seh ia nga,  
 Jia aiu ? to seh pynpaw,  
 Ioh ummat ki lah ban jaw.

Toi, ym dei namar kane —  
 Ba ki briew baroh ki leh ?  
 B'ym don shuh ba fiiew ia Me,  
 Ia kyrteng jong me ki beh !

Don myllung ne u Nongrwai,  
 La ki Duitara ban king;  
 Don ba kwah sha me ban phai,  
 Ne ki shkor ki la set bthing ?

Te mem dei u wei na ki —  
 Lum ithiang rynsan khasi ?  
 Ne, ia me ym shym la jer ?  
 Ka kyrteng da u lum swer ?

Jan baroh kyrteng jong me —  
 Ki leh klet bad kim fiiew shuh !  
 Jingsarong ka pynthame,  
 La ka nam mem dei ban duh.

Ko lum Swer, nga nam mynta,  
 La iktiar wat pynhiar dor;  
 Pynkyrsong la jingnylla,  
 Kat nangmih ki sngi, ki por.

---

## WIAT IA LA U KHNAM

Haba wiat ia la u khnam,  
Ngim dei ban pyllait pathar,  
Sha lawbah loh un ialam,  
Ioh ka lam shaba kulmar.

Thew artat shwa ban pyllait,  
Ba un shei ha ka sohpdung;  
Wat pynking loh shah tait wait,  
Sha baji loh ka pynthung.

Kti bad kjat, ki khmat jabieng,  
Kin ia trei ryngkat ryngkat;  
Wat nym shah ba kan sngewphieng,  
Haduh shkor syndon ngin wiat.

Na kine ba ngi la kdew,  
Ha jingmut jong phi kan neh,  
Ban ym don ba pynbaji,  
La ngi thom ia ki jingeh.

Da jingmut ba skhem, ba jwat,  
Wat nym tieng wat la ka eh;  
Da kata te ngin sa khat,  
Nam jingjop ba ngi ia beh.

---

# KI SOHKHIT PYRSHAH IA KI LAMLYER

Kane ka long ka jinglathuhkhana,  
 Kaba la jia shisha mynshwa ha  
 Pdeng ki Sohkhith pyrshah ia ki Lamlyer,  
 Ha kaba ka thma ka ktien ka la lynsher.  
 U khmat shynrang baroh dei ban  
 Mih, sha madan thma ki da leit de bran;  
 Rynghat ki wait rynghat ki sum ki rah,  
 Kumjuh ruh de rynghat ka stieh ki bah:  
 Ban ialeh pyrshah ia Nongshun nong  
 Pen, uba la nud ban wan rungtuh ban wan  
 Tab, ia ka jaka ka puta kiwei khlem da  
 Kheñ shuh wat ia ka sang ka ma ne wat  
 Ia ka hok ka ijot khlem da ñiew shuh  
 Ia ka dustur riti ia kaba la  
 Buh da U Nongthaw U Nongpynlong na  
 Duh ki sngi barim ba jah ki longshwa.

Ki arliang mamla ki la mih ha madan,  
 Ban ia ai reng pyrshah ia ki nongshun;  
 U Men u la pyrta ia u Munsing u ba  
 Long u nongialam jong ka liang pyrshah,  
 U da ong: "Ale hangne me u nongtuh,  
 Ngan khrai ia me da kane ka wait kaba  
 Nep bha rynghat ruh da ia ka hok  
 Baroh, namar ka jingleh jong me baroh."

"To tur ngam salia ia kum kato ka wait,  
 Jongme, ngan pynliem ia me da une u Sum  
 Ba nep har har, bad ia ka doh jong me  
 Ngan ai ba ka ksew ba kan loh bam hun,  
 Ka khlieng ka tyngab, u pukni bhur un sa  
 Pynshad ia me pyllup lyndang bad ruh  
 Kin sa pynjah lngaid ruh ia me syndon,"  
 Byrngem u Munsing Rangbah shipai ki Lamlyer.

Jinglaleh ka la sdang ai kti hangta  
 Hapdeng kine baroh arliang mamla,  
 Ka sngi ka la sdang rieh, pyrthat ula  
 sdang tied, ka lyer ka la sdang ban kyrthep,  
 Rynghat bad ka 'leilieh khlek khlek kaba;  
 La i kumba kim don mon shuh ban peit  
 Tang ia ka khmat u 'riewsniew 'riewsmeh  
 Uba la nud ban leh kam tuh kam thiem,  
 Bad ban leit tab ia ka jaka puta  
 Kaba ym shym da la dei hok ka jong.  
 Ki wait ki sum ki riew kum u pyrthat,  
 Ka snam ka tuid bad ka lyngkie haduh  
 La kum kawei te ka duriaw ratbah.  
 Met iap ki thiah ki dem ruh sar-ly-sar  
 La kum 'langiap bala shoh stai ka tlang;  
 U paid iapom la bun uba kyllon,  
 La bun uba la iap ban ia uba  
 Dangim bad ba dangsah hangta ha ma—  
 Dan thma, la i la kumba la shoh khlam.

Khatduh khatwai Lamlyer kim lah shan shuh,  
 Kim banse ruh ban her iap her im noh;  
 Shaduh ki thaiñ Umnub sha thain ri War,  
 Ban lait na kti shipai ki swar ba beh  
 Nadien sia sia rynghat la wait la stieh.  
 Ynda haba Sohkhut kim lap shuh ia  
 Ki nong Lamlyer, ki leit phai noh sha la  
 Ka jong ka shnong ka thaw rynghat ruh bad  
 Ka rwai phawer jop thma, kynhoi risa  
 Artat artat lynti haduh ynda  
 Ki la poi ha jan jong u wei u lum;  
 Hangta ki kiew ban leit kñia leit khriam,  
 Ha u 'lei khyrdop, u 'lei kharai, u rynghew u basa;  
 Ki thang ruh ia ka ding ba klang lai miet  
 Lai sngi lynter ban thang ban sait ia ka  
 Tyrut ka smer ba kan nym wat jia shuh  
 Hadien ha bud ha ki longdien longsah;  
 Ban shong ka suk ban shong ka saiñ lyngngai,  
 Ban lait n'u ksuid baroh shirta;  
 Ia ki khun ki ksiew ki hynmen para.

---



## IA NO NGI KHAM IEIT

Longshuwa jong ngi hyndai ki ong,  
 'Nga thep mynsiem ia Ri la jong';  
 Ki hok bad sngur mynsiem shisha,  
 Wat la jingim ki kloi ban pha.  
 Ym tang ka Ri bad jaitbynriew,  
 Kumjuh ruh la ki khun ki ksiew;  
 Ba kin im suk im saiñ kynjai,  
 Pahuh ka bam ka dih kyrhai.  
 Ki kloi ban ai wat la jingim,  
 Ba Ri bad jaitbynriew kan im;  
 Kim kwah ka spah, kim kwah burom,  
 Da la jingim ki ai rukom.

Jingim jong ki shisur nylla,  
 Ki im tang ha ka jingshisha;  
 Ha ktien ba kren ne kam ba trei,  
 Kumba la seng la buh d'u Blei.  
 Kim ju mlien ruh ki ktien kyreit,  
 Bun sien ki kren ki ktien ba beit;  
 Lymne kim mon ki ktien shuthaw,  
 La ha ba rich ne ha ba paw.  
 Baroh ki bat ia ka ktien hok,  
 Kim ju kwah ban kren shukor ne thok;  
 Ia jubanlak ba ki la khlei,  
 Lymne ban leh men leh 'riewblei.

Hato dang don mo sha mynta,  
 Ba kloi namar ka Ri ban pha?  
 Ki 'riew ieit Ri ba kum kine?  
 Ne jingkwah brai ka pynthame?  
 Kat sha ba leit kat sha ba shang,  
 Nga i tang jingkut lad ka khang;  
 Man la ki lad bad man la ki dong,  
 Ngì shah ker kut baroh sawdong !  
 Hato don ma napdeng jong ngi,  
 Kiba da ieit ia la ka Ri;  
 Ne ngi kham ieit ia la ka met ?  
 Bad ia ka Ri, ngi phai lyndet !

Ngam tharai shuh ban dang don pat,  
 Wat la ka Ri kan da sohsat;  
 Ki ban da ieit naduh mynsiem,  
 Ia la ka Ri la iap la im!  
 Baroh ki kwah tang im shimet,  
 Kham fiar phin shem, bym kwah kiew khet;  
 Lymne ban snah la u Saipan,  
 Lane ban ioh ia la ka nam!  
 Ki ktien jali jaum ba pher,  
 Ba dei tang ngi ba lah pynher;  
 Ban riam ban pah ia khun ka Ri,  
 Nangne ia u mynder shi sngi.

Hynrei ka spah ka nam rongphong,  
 Ryngkat ruh bad ki ktien sarong;  
 Ki pynmatlah pynban ia ngi,  
 Wat la ka Ri kan thung baji.  
 Kine ki lai ki ap ia ngi,  
 Ba ha kata ka akher sngi;  
 Ban pynhap khop ia jingim briew,  
 Kan niat khyndai pateng ba ngiew.  
 Dei hangta keiñ ngin sa babe,  
 Ba ngi la ieit tang ia lade;  
 Ia la jingleh jong ngi baroh,  
 Jingjah burom ka shat kyrtoh.

Shano ki khun samla ieit Ri,  
 Hato ngi hun ban shong kli kti!  
 B'la khot ki khun u Hynfiw trep?  
 Haba jingsniew ki wan tyллеp!  
 Ne ka la biang ia ngi ban ong,  
 Ko Ri baieit ko Ri la jong:  
 Khlem wad kabu khlem wad myntoi,  
 Ban miat shimet khlem dei samoi.  
 Sharum shaneng ngi laid pyrta  
 Ng dei ki 'riew ieit Ri shisha;  
 Man la ki lad, man la ki dong,  
 Burom jong ka ngin rah rasong.  
 Ki ktien bad kam pat kim ia dei,  
 Ng shla namar ka Ri ngin trei;  
 Ki laid la ka lynti la jong,  
 Ki kjit tang ia myntoi la jong.

Kumta ko khun samla ka Ri,  
 Ka jaitbynriew ka khot la ngi;  
 Ba ngin pyrman bad ngin im sngi,  
 Namar ka Ri ngin ieng tylli.  
 Kawei ka bor kawei ka buit,  
 Ngin rat dyngkhong i'u laiphew ksuid;  
 Da kut jingmut i'u pohrati,  
 Ngin beh sha khatar snem lynti.  
 Dei hangta keiñ ngin sa iohi,  
 Ka jaitbynriew ba ieit jong ngi;  
 Sa shisien pat kan ieng rasong,  
 Ba ia tylli bad ia teh song.

---

### PEIT BEIT LA KI KHMAT

Pynbeit la khmat sha phrang, Samla,  
 Na kliar u lum sngap ka pyrta;  
 Ka thong ba buh ia phi ia nga,  
 Kat kiba lah poi kloï hangta.  
 Pyrshang ban kiew ki thiep samla,  
 Ki thiep arted ki jur arsut;  
 Khlem kheñ ka eh khlem kheñ ka ma,  
 Da la jingshlur ngin kiew pynkut.  
 Wat la ngin par bad kti bad kjat,  
 Bunsien bunsien ruh la ngi ur;  
 Ngin nym sheptieng ia ki lat lat,  
 Da la jingthrang jingeh ngin tur.  
 Bunsien wat la ngi dei ban iam,  
 Ki jingkyrmen ruh ngi la duh;  
 Ryngkat ryngkat bad jingjaw snam,  
 Ka nam nongjop ngin ioh khatduh.  
 Dei hangne keiñ para samla,  
 Nga iathuh tang ha phi mynta;  
 Shynrang barieh ka nam ba bha,  
 Khlem jingshongthait ngin beh ia ka.

---

## KA SOSKULAR NA SHISOT U RNAI

Hangne hyndai ka teng ki ong —  
 Sha shiliang wah na Sor Shillong,  
 Diengbah ! kaba da heh palat !  
 Ba khun bynriew u kwah pynngat!  
     Ki tnat ba pyiar ki sla ba jngum,  
     Ia jingshai Sngi ki da kah dum;  
     Jingthung jingtep ruh kim man shuh,  
     U khaw u kba la sdang kyrduh.

Dei hangta keiñ u Hynñiew trep,  
 Ha b'la sniew ruh ka thung ka tep;  
 Da jingtylli, jingryntih lang,  
 Baroh kin mih ki khun shynrang.  
     Kawei jingmut ki ia rai lang,  
     La sdie la wait ryngat kin wan;  
     Kumba la buh bad la iakut —  
     Ym bit ban pep kin ia wan lut.

Ka sngi ka tia, ka por ruh de  
 Ki poi ryngkat ka wait u sdie;  
 La ting la sem, ki khang khyrdep,  
 Ia sngi b'la buh ki sang ban pep.  
     Tang shu poi tiap ha trai Diengiei,  
     Ym don ba shong, baroh ki trei;  
     Sawdong sawdong ki sdang ban pom.  
     Jingthrang hir hir ban pynkyllon.

Haba ka sngi ka la sdang dum,  
 Baroh baroh la tiar ki lum;  
 "Ia ngin ia leit noh ka por la dei,  
 Ki sngi ba sah ngin leit shaei?"  
     Kim lah sngewthuh ne tip lypa,  
     Kata ka miet b'un wan u Khla—  
     Tang jliah ma u, shi khyllip mat,  
     Dien pom baroh ka dap doh pat.

Ynda la shai la poi baroh,  
 Da jingshalong ki leng lyngngoh;  
 Shano dien pom ka la jah noh?  
 Hato shi miet ka lah dap doh!  
     Kumta baroh ki shong pyrkhath,  
     Kumno keifi ngi lah ban pynngat?  
     Mynta ngin pom la shai kan dap,  
     Ka daw tynrai ngi wad ngim lap.

Khatduh i phreit na poh u sder,  
 Sawdong jong ki i sdang ban her—  
 “Ko khun bynriew ” ia ki i ong—  
 “La phi kular ai jaka shong.  
     Ngan iathuh ia ka daw balei?  
     Ba dap doh kane ka dienglei,  
     Pvnap ki wait ki sdie phin shem—  
     Mynstep u khla un iap ha shen”.

Khun bynriew jingkmen bym lah ong,  
 Ia jingbthah phreit, ki kynmaw dngong;  
 Ki kular ruh ia i ban ai —  
 Ka iing ka sem, ka bam kyrhai.  
     Dei hangta keifi ba ka sa ngat,  
     Diengbah diengsan bym poi pyrkhath;  
     Sngi ka sdang kynjat shai biang,  
     Jingthung jingtep, Pyrthei Mariang

---

## KATBA ME DANG RASONG

Ko Lum Shillong ba nga ieit eh,  
 Katba me dang rasong kan neh;  
 Me kdup Me ri ia Ri Khasi,  
 Ban neh ka Dustur bad Riti —  
 B'la suit B'la shor da ki longkñi.

Me ieng rangbah tang marwei hi,  
 Hapdeng rynsan ki lum Khasi;  
 Ban pahara ban peitngor de,  
 Namar ka Ri me len lade;  
 Ki laiphew lum ki peit sha me.

Baroh 'riew sniew ki peit sha Me,  
 Da mynsiem tieng kim nud tare;  
 Ki khñium ki ud ha lade hi,  
 Kumno ban iuh na shynrong khlieh;  
 Ban pynjot thiaw ia Ri jong ngi.

Ko lum Shillong nang ieng rasong,  
 Kumba la buh d'u Nongpynlong;  
 To ri sumar ma Me ia ngi,  
 Ki jait bynriew ha lum Khasi;  
 Kumba la buh longshwa jong ngi.

---

## MYNSIEM KA PAIT

Mynsiem ka pait, dohdud ka mong,  
 Namar jong me ko lum Shillong;  
 Ban i ba me la pyndem khlieh,  
 Ia la ki khmat me la buhrieh.

Balei katne kas ang ka pap?  
 I'u khun khasi ka la wan ngat !  
 Sha jngai la phet u lum Shillong—  
 B'u khun Khasi u la sarong?

Na jngai-nga peit, nga jaw um mat,  
 Ia jait bynriew b'la sdang ban pait;  
 Sha me namar bym don ba khmied,  
 Ki laid khaprip bad sngi bad miet

Kumta nongwei khlem rieh ki wan,  
 Na sha ri thor ka ri madan;  
 Sha me ko lum ban biah phongrai,  
 Naduh Laitkor sha Pomlakrai.

Ki 'law kyntang ki 'law adong,  
 Ki iuh ki thom haduh shynrong.  
 Ban pynjem rngiew ban pynbaji,  
 Khyndai khongpong ki khun trai Ri.

Ko lum Shillong balei me rieh?  
 Ia ngi hangne la kum ba sdieh;  
 Mynder balei mem pynher krad,  
 Khatar jylla ba shong ki mrad.

---

# U KHLA WAIT KA NONGKHLAW

Kharlieh kharlong ba leh don bor,  
 Pynban burom kim nangfiew kor;  
     Ki wan mushlia ia Ri jong ngi,  
 Ki leh ruh ki kam ba ijli.

Napdeng jong ki, kiba leh shait,  
 Ki dei pynban ki riewpohjait;  
     Ki leh kum kiba isynei,  
 Pynban ki riam ia ki kynthei.

Hangta ka thma kam lah sangeh,  
 U khmat shynrang u dei ban khrech;  
     Ki Syiem khasi ki ia tylli,  
 Ban tur pyrshah i'u mynder Ri.

Uwei napdeng ki Syiem Khasi,  
 U shet kylla ia la ka Ri;  
     Kumne la kem i'u Syiem jong ngi,  
 Da ki shipai ban set byndi.

Wat la u don ha ing byndi,  
 Hynrei um klet ia Ri Khasi;  
     U lai phohsniew synfia bad sngi,  
 Shaphang ka Ri ba ieit jong ngi.

Wat la ki kwah ban pynkohnguh,  
 Ia la ka Ri ruh yn ym duh;  
     Hynrei tang ban pyndem ia U,  
 Kin pyllait bad ki jingkyrkhu.

Ban ia ka im bad rit mynsiem,  
 La lah ka lap la kum u Syiem:  
 Khatduh kharlieh ki rem hi kdur,  
 Ka eh ban pyndem i'u syiem shlur.



## KA BOR PHYLLA KA TLANG

Ka tlang ba khriat ba don bor tam,  
 Ha ka Mariang ruh ka wan ksam;  
 Ha dur 'thei metlaw ba maia,  
 Ringsti ruh bad ki jaiñ thaba.  
 Ja-ing jaboh ha ka iwli,  
 Ryngkat ruh mynsiem atlukhi;  
 Ka thom ka iuh naphang hi lin,  
 Ha ban da lwet da lyko hi bin.

Ka bor jong ka, ym lah mut dur,  
 Ka da pher bak na la kur;  
 Nangno ka ioh? Mano ba ai?  
 Pyrem, ka lyiur ne ka Synrai?  
 Ki kti ki kjat ka met ka phad,  
 Ym don bad ka ba nud ia mad;  
 Kiba da eh pyrkhing hi triang,  
 Ki tieng loh kylla mangkariang.  
 Kat sha ba laid ba ieng ma ka,  
 Ka iuh ka thom ha ban da pra;  
 Ym don shuh ki ban dang lait im,  
 Ryngkat ruh bad ka tla ka tim.

Diengsong ba ieng puh mat marwei  
 Ka sngew ym don shuh ha pyrthei;  
 Ryngkat atiar ba ka la kieng,  
 Ia ka jingim ban wan pynphieng.  
 Hynrei haba ka tlang ka wan,  
 Ka shoh ka sloit naphang pynban;  
 Wat tang shi khup ka jaiñ kam ieh,  
 Lyngkhuid ka law baroh ka knieh.  
 Kumta ryngkat ka jingsngewsih,  
 Ummat ki tuid ki jaw ki mih;  
 Na kut shadem ki hap ruh brip,  
 Mynba ka lam ia la nusib.

Ka bor ka tlang ka palat liam,  
 Ka bor ka long la kum ka khlam,  
 Ban la nujor bad kiwei pat;  
 Ia Mariang ba ka shoh sympat.  
 Jingthung jingtep, ki soh ki pai,  
 Ha ka jingwan jong ka, ki lap stai;  
 Baroh ki diaw bad ki tyrkhong,  
 Ia la nusib lanot la jong.

Ka bor ka tlang kum ka jingiap,  
 Ka thom ka iuh kat ia ba lap,  
 Ka wan kyndit khlem jingsngewthuh;  
 Haduh ba kim lah khie khlieh shuh.  
 Ki mrad ki mreng ki rit mynsiem,  
 Ki sim ki doh ki smiej ki tieng;  
 Namar jingkhriat ba jur ka tlang,  
 Ban shang wad bam bunsien kim nang.  
 Ym tang ki mrad ki sim ki doh,  
 Wat u briew ruh u sngew raikhoh;  
 Namar jingkhriat ba jur ka tlang.  
 Katsha ba leit katsha ba wan.

Ka bor ka tlang ka kham phylla.  
 Ba dei te tang lyngba jong ka,  
 Ha kaba ngi la ju kham shem;  
 Ngi sa loh pat i'u wei u snem.  
 Syntiew u skud, pyrthei mariang,  
 Ba kin phong pat da rong ithiang,  
 Jaiñ kup barim baroh ki law;  
 Ha aom pyrem ki wan paw.  
 Kumta dei tang lyngba ka tlang,  
 Ki briew ki khreh ka puh ka thang,  
 La saifidur pat la ka mariang;  
 Khnang ban loh thung loh rep loh riang.

Khublei ko tlang khublei ia pha,  
 Khublei ia bor phylla shisha;  
 Ym don shuh ki wei pat ki bor,  
 Kiba ngi lah ban la nujor.

---

# RI B'LA KYRKHU KYRPANG

Ko Ri Khasi, ko ri Jaiñtia,  
 Ri b'la kyrkhu kyrpang;  
 Ka Ri ki 'thei, ki 'rang samla,  
 Ri um pohliew ba shngiam.

Ka Ri ki lum, ka Ri ki wah,  
 Ka Ri ki khlaw ki btap;  
 Ka Ri ki wahduid bad wahbah,  
 Ki tuid kyrhai ki dap.

Ka Ri u ngap, ka Ri u lwai,  
 Ka kper syntiew iwbiñ;  
 Ka Ri u soh, ka Ri u pai,  
 Añom ba pher ki mih.

Ko Ri ba ieit, ko Ri bathiang,  
 Kum pha te ngam shem shuh;  
 Wat la ngan jñgi sha kut Mariang,  
 Ka nam jong pha kam duh.

Nga ieit tam eh ia pha ko Ri—  
 Ba suk u Hynñiewtrep;  
 Ha pha la thiah ki kap ki kñi.  
 Ha Mot bad lum jingtep.

— — — — —

## MYNSIEM JONG NGA KA KHUSLAI

Balel Mynsiem jong nga ka khuslai sat?  
 Balei dohnud barabor ruh ka pang?  
 Katba baroh ki don la jingsngewbha,  
 Ha pneh jingkynoi ka Mariang.....  
     Lehse dei ba nga shu pyrkhat—  
     Ia ki sngi baroh ba la leit noh—  
     Naduh mynba nga dang khynnah—  
     Baroh kiba nga la ioh mad.  
 Ne del namar ngam lah ioh shuh?  
 Jingieit ba tlem I Mei I Pa,  
 B'la kyrsoi maiñ ha kut shadem—  
 Jingsneng jingkraw ba nga la ioh.  
     Katba nga dem pyrkhat marwei,  
     Jingieit tympang ki sdang kyrsei.

---

## KO RI BAIET

Ka Ri ka don ha jingma ba khraw,  
 Ba ap na ka diang bad ka mon;  
 Ym don ba lah ban kot pyrkhat,  
 Ha kum kine ki sngi ba ngiew,  
     Baroh ki kwah myntoi shimet,  
     Lane ban snah la u Saipan;  
     Wat la ka ri kan ngam noh jak,  
     Sha ñiamra bym lah ban pyrkhat.  
 Ah! ko Ri ba ieit thoiñ thoiñ,  
 A'iu namar jong pha ngan leh?  
 Tyrpeng sator, ki kti ba tlot,  
 Kumno la pha ngan maramot?  
     Ummat ki jaw synñia bad sngi,  
     Haba nga peit la la ka Ri.

---

# NIANG THANGDOH

Ki briew bym kot pyrkhat,  
 Wat la jingma ka ap;  
 Ki tur kim kheĩn la ĩap,  
 Shata ki tban sak-sak.

Ki long kum 'Niang thangdoh.  
 Liap-liap sha ding ki noh;  
 Wat la ki tip ban ĩap,  
 Hynrei khlem don jingmap.

Ki kam ki leh, ki ktien—  
 Ki kren, khlem da salia,  
 Kim tip pat ba hadien;  
 Kin lam sha jingthala.

Ki bud tynneng ruh ĩa—  
 Rukom ka jong kiwei,  
 Ki klet noh wat ĩa la—  
 Jonglong tynrai ba dei.

Katno ki sngewsarong,  
 Katno ki sngewphuhmat:  
 Bianglut nadong shadong,  
 La kum ki nong Bilat.

Ki ĩaid khlem da pyrwa,  
 Ki kren ki ktien thawsha;  
 Ki klet ĩa la Akor!  
 Khun Khasi ba kordor.

Kumno kan long ? Shano—  
 Kan lam ? Ka lawei jong—  
 Ka Ri, katba mynno—  
 Mynno, jingsuk ka phong!

Hato kine kim dei—  
 Ba ngi la leh baroh?  
 Ba ngi shu leh jyndeĩ,  
 La kum ki 'niang thangdoh!

## MYNDER U NANGTUR

Mynder u nangtur bad nangbun!  
 Khasi nangran bad nangkhyndiat!  
 Satang khyndiat por un sa klun,  
 Lym kyndit bynriew bad peit mat!

Man la ka sngi ngi nang lohi.  
 Ba jaitbynriew ka nanghiar;  
 Kumno te yn pyllait la ngi!  
 Na kat kane ka jingjynjar?

Shisien ba ki la loh ban rung,  
 Ki da pynskhem la jaka shong;  
 Ia kiwei ruh ki shah ban phrung,  
 Namar ki ker ki jait la jong.

Namar ka ri bad jaitbynriew,  
 Ym dei shuh tang ka ktien shu ong;  
 Khnangba ngin lait na ki jingsniew,  
 Tylli kawei ngin la teh song.

Kumta kynmaw ho para ri,  
 Ka snam ka ksuit, ka jait ka khong:  
 Mynder shi sngi ngim bit aili,  
 Loh ngin duh jait ngin duh dyngkhong.

---

# **KO KHUN KARI KYNDIT BYNRIFW**

Naduh Rilang haduh Kupli,  
Mynba dang hok ki khun Khasi;  
Ka Ri ka puh ka i shongkun,  
Parum pareh ki ia tyllun,

Ki kur ki kha, ki lok ki jor,  
Baroh ngi dang nang ban ia kheih;  
Ka ktien thylliej da ka akor,  
Baroh ngi tip kumno ban kren.

Ki 'er pyngngad na ki saw lyer—  
Ki beh hir hir ki tuid jem jai;  
Ki 'Rang ki 'Thei na dong ba pher—  
Ki mih ki san bad iai phyrnai.

Ym don na ki ba shong kli kti,  
Baroh ki trei namar ka Ri;  
Ym don ka thok ym don ka thak,  
Ba ngi ju shem ne ngi ju lap.

Katba ka por ka nang tyllun,  
Ka Sngi u Bnai ruh ki nangiad;  
Jingsniew ruh ki la nang loh phrung,  
Hapdeng jong ngi te, shaid-shi-shaid.

Khun Khasi Pnar ki la nangklet,  
ia hok tynrai ba la julong;  
Baroh ki kwah tang im shimet,  
Bad beh ruh ia ki Mangkarong.

Kumta jingsniew la nang byrsieh.  
Hapdeng ka Ri ba ieit jong ngi;  
Shano khun KHYNDAL BAH RYNTIEH  
Hato ki hun ban shong mynthi?

Ka Ri ka don kapdeng ka tmier—  
Jong ki riatbah ba ishyrkhei!  
Ym don na ngi ba da sugew syier  
La jaitbynriew kan poi shai?

**KO KHUN KA RI KYNDIT BYNRIEW!**

Ha kum kine ki lia ki sngi!  
 Ia la ka Ri to ngin kysiew!  
 Ban lait na u mynder shi sngi!

Ba dei kumta ngin tur shaphrang,  
 Dawei da ar jingmut ba khlaifi,  
 Namar ka Ri ha shlem ngin saifi;  
 Ryngkat samla kynthei shynrang.

---

**KI KHLAW KI BTAP KA RI KHASI.**

Ki dieng ki siej, ki khlaw ki btap,  
 Ba bun bad kordor tam:  
 Ha lum ha wah ki shlei ki tap—  
 Ba remdor bad kongsan,

Ka Ri ka kmen, ka shlei ka dap,  
 Spah bah mariang ka ai;  
 Ha man ki dong bad man ki lad—  
 Phin shem kine kyrhai.

Ki sim ki doh, ki mrad ki mreng,  
 Har jait ha ki phin shem;  
 Jait mrad baroh shi khrum ka Bneng—  
 Ha syrngiew dieng rieh tngen.

Hynrei mynta ki shano pat;  
 Ki spah bah jong ka Ri!  
 Hato ym dei ba shu leh sat?  
 Ha por ba thang shyrti!

Ki lum ki wah. ki sdang synlen!  
 Mariang ka sdang tyrkhong!  
 Ym don shuh ba ai la jingtngen—  
 Dieng bah ki la kyllon.



Hangno pat mynta phin dang shem—  
 Ba dang don khlaw ba ryben?  
 Wat u phlang hi u la sdang dkhoi!  
 Ha kti ki khwan myntoi.

Wah duid ba sngur, 'pohliew kyrsoi,  
 Shano mynta ki jah?  
 Naduh ri lum, sha war sha Bhoi,  
 Baroh la kylla shrah!

Mynta ka Ri, ka khot ia ngi!  
 Ban ieng da jingryntih!  
 Ban pynroi pat ia khlaw ka Ri,  
 Bad umpohliew ban dih.

Sa shisien pat, ko ki khynraw,  
 Ngin ieng da jingtylli;  
 Ban pynim pat ia la ki khlaw,  
 Ka spah ka Ri jong ngi.

---

## JINGMLIEN BA SNIEW

Ki briew ba mlien ba kren,  
 Kat sha ba leit ba wan;  
 Da ktien jaboh ki kren khlem kheif,  
 Kat ha 'riew donburom ka sang:  
 Ki rkhe ki kbaiñ la khmat kynriang,  
 Ki kren ki ktien sangam;  
 Ngai-ngai ki jah tang ha ki rmiang—  
 Pynban ia ki lum bah ki ngam.

Katno phuhmut katno phuhmat,  
 Ban loh ia rkie kumne;  
 Kim tip ba kine baroh pat  
 Akor burom la jong kin die;  
 Khlem poi pyrkhat, khlem poi kynmaw,  
 Ki ktien ki khlei khlem da pyrkhat;  
 Ba kine baroh kin sa paw —  
 Ryngkat bad ki jingjaw ummat.

Ah! ki ba pli tip balei sha?  
 I'u thylliej pait pnat kim synshar,  
 Hapdeng jong ka jinglong samla;  
 Ioh ba kin ngat ha jingjynjar:  
 Da kymaw khynnah rit baroh !  
 Ba loh shu poi sha ka lyngngoh—  
 Khlem da loh shuh ia nam babha.

Ki ktien thylliej da sumar bha,  
 La lakam pyrkhing to bat;  
 Ba loh kin sa ialam sakma—  
 Sha jingjynjar bad jingsuhsat:  
 Rangbah, khynnah to da peit thuh,  
 Akor burom to da bishar;  
 Wat khlei nangang ki ktien lymmu,  
 Ba loh ia phi kin fiew pathar.

Shisien la leit kan ym wan phai,  
Akor burom kaba phyrnai;  
Ksiar duh mynta ioh pat lashai,  
Hynrei ym la akor janai:  
To da kynmaw naduh mynta,  
la la akor wat pyn makna;  
Ka ksiar, Rupa ka kham tad dor,  
Akor burom ban la nujor.

---

# KATBA POR KA DANG DON

Ki saw samoi ki march stet !  
 Iano iano kim lah ban ap !  
 Liak tang ba bla te ki la phet,  
 Kim lah ban wan phai kylla pat.

Shisien ba la bakla na sdang,  
 Baroh ki kam kin sa pulom ;  
 La eh hi triang ba ngin pei phang,  
 Lynda minot ngi trei shitom.

Katba ka por te ka dangdon,  
 Ia la jingim wat nym leh kai ;  
 Ioh long kum sla ba la tyrkhong,  
 Ha jingbeh ka lyer ki iap stai.

Wat nap ho ka ong ap shwa,  
 Ba por samoi kam pat dei —  
 Ioh ngop pynban ha jingthala,  
 Bad mangkarong jong ka pyrthei.

Hei! samla ka Ri da pyrkhat,  
 Pyrkhat ruh da ka jingsani.  
 Phin sa pyrto ba dei shisha,  
 Balei kim wan kito ki sngi.

Hynrei kaba la leit la leit,  
 Kam lah kyrtiang ban wan phai shuh ;  
 Namar ka jingsngew ha nga mei,  
 Kat nga ym don shuh ha pyrthei.

Ym don tuta, ym don moina,  
 Ban pah ban khroh sa shisien pat ;  
 Namar baroh ki sngi ki lia,  
 Phi pynsepei phi leh pynlat.

---

## KA SAP KA PHONG

Ka sap ka phong ba pher, Nongthaw la ai,  
 Haman la iwei-pa-iwei;  
 Jar kiba nang ban pyndonkam,  
 Kin kyntiew la ka Nam.

Ka sap ka phong ba pher, Nongthaw la ai,  
 Ban pyndonkam hok ruh la ka;  
 Ym ha synduk ba ngin tyngkai,  
 Hynrei pynroi kyrhai.

Lada la sap la phong ba ngi la loh,  
 la ka ngi khang tala noh, te—  
 Kan kylla long jingtim baroh;  
 Khatduh ngin sa babe.

Kumta ngin pyntrei kam Janai la ka,  
 Ban pynroi ha kam ba shisha;  
 Khnangba kita baroh kin long—  
 Kiba sah nam junom.

---

## AKOR SOHRA

Akor Sohra baroh ki ong,  
 B'la ñiew kyrpang kylleng ka Ri;  
 Dei ruh ha ka ba la pynphong,  
 Burom shi tyllup Ri Khasi.

Tang jingsuhsieng bad jingiwbi,  
 Kat sha ba lyer hir hir ka beh;  
 Akor Sohra baroh ki khmih  
 Kumno ban nang pynskhem pynneh!

Dei tang la ka ba la ñiewkor,  
 Hapdeng ka jaitbynriew jong ngi;  
 Ka phyrnai ruh kum Mawkordor,  
 Ha jingphalang jong ki kjat sngi.

Hynrei mynta ka shano pat?  
 Ym dei namar ba ka la stai!  
 Tang shi sohphit! Ia ka phin lap—  
 Ba ka dang don, dangshat jingshai..

Balei kumne! Kaei b'la jia!  
 Mano b'la rong! Akor Sohra!  
 Hato ym dei ba ngim salia!  
 Nuksa bala pruid d'u longshuwa..

### PYREM KA JINGIM

Pyrem jingim jong ngi,  
 Ki bun ki jingialeh;  
 Kumno yn thom ia ki?  
 Khlem da jingtrei tynghe!

Man la ka khyllip mat,  
 Pyrshah ia ki ngin tur;  
 Ioh ki khum ia ki kjat,  
 Ngin rat da ka jingshlur.

U Bnai u lung u ngen,  
 Ki khlur ha suiñ ki khih;  
 Kumta u khla u thlen,  
 Sawdong mariang u khrih.

Barabor ki thap nguid,  
 Ia mon ka jong ki briew;  
 Tang bakla ngin syntuid,  
 Sha ri ka jingphohsniew.

Ia ngi ka jingmaham,  
 Lyngba ka laid ka ieng;  
 Ba loh sepei ka nam,  
 Lymne la ka kyteng.

## KA JINGPHIKIR

Haba jingthung u mih ha kper,  
 Ia u dei ban da sumar bha;  
 Khnang ba un plung bad ba un mer,  
 Bad ba un sei ki soh ba bha.

Ym dei ban ieh kumto ia u,  
 Khlem da phikir, khlem da sumar;  
 Iaplong ka lah ban kem ia u,  
 Haba phi la shu ieh pathar.

Kumno te ngin shu khmih lynti,  
 B'un sei ki soh ba bang ba thiang;  
 Lynda ma ngi da lade hi—  
 Jait sboh ba bha ngi da pynbiang.

Ynda la ai sboh man ka sngi,  
 B'un plung un iar, b'un heh un san;  
 Dei hangta keiñ ngin khmih lynti,  
 B'un mih d'u soh u ba bha tam.



## JINGIM U BRIEW

Jingim u briew ha ka pyrtnei,  
 Ka long kum sharak rit;  
 Ba pynshai ruh ha la rympei,  
 Naduh ba u dangrit.

Sharak ka long ruh ka jingshai,  
 Kaba pynshai ia ling;  
 Jingim u briew ruh ka phyrnai,  
 Bad dap da jingsuhsieng.

Haba jingshai sharak la lip,  
 Jingshai ka la jah noh;  
 Ba kumta ruh baroh ngi tip,  
 Jingim bijai ka noh.

Kumta to ngin kynmaw baroh,  
 Ia por ban nym leh kai;  
 loh ngi shu poi ha ka lyngngoh,  
 Ynda jingim la wai.

---

## SYNTIEW BUN RONG

Syntiew bunrong ki puh ha kper,  
 Ngam tip lano ngan kner;  
 Ki khmat jong nga te ki shu peit;  
 Ngam tip lano ngan kheit.

La sha ka diang ne sha kamon,  
 Ia nga la ker Syntiew bunrong;  
 Hynrei haba nga peit thuh bha,  
 Dei pynban tang ki rongthala.

Syntiew mynta haba shu peit,  
 Tang shu shylluit ki la shah kheit;  
 Kham ñiar ngin shem ynda la puh,  
 Baroh ki thap tang ban kheit tuh.

Syntiew mynta ki puh khlem por,  
 Kat nangai um katta nangtlor.  
 Nga isynei ia Nongsharai,  
 Haba kiwei ki nangkheit kai.

Man ki jaka syntiew ngin shem,  
 Ia rong b'la kjit d'u ngap pyrem;  
 Ka long ba eh ba ngin kheit kaf,  
 Lada la sumar d'u Nongsharai.

Man ki jaka syntiew ngin shem,  
 Ngaptem miet sngi ki knieh ban dem:  
 Hangno kan neh ka rong ka rup,  
 Haba baroh ki la kynrup.

---



## U DIENG SNING

Haba ka sngi la me ka shoh,  
 Nga peit la me da jinglyngngoh;  
 Me i pahuh pahai lyngngai,  
 Katba kiwei ki nanglapstai.

Haba ka tlang ba khriat ka wan,  
 Pynban me leng khlem jingtyrngam;  
 Namar me don shibun ki paid,  
 Kiba la me ki ju pynsngaid.

Ahl ko dieng sning ba nga lap bieit,  
 Mano la me ba ju leh ieit?  
 Ba lyer Rymphang la me ka shoh,  
 Pynban nga i me lai laroh.

Haba nga peit nga isynei,  
 Jngai jngai na ling me leng marwei;  
 Pynban wat la me don marwei,  
 Ka kner ka kti jingieit U Blei.

Nga ruh ban long kum me nga kwah.  
 Ngan rwai laroh I'u Blei ba lah;  
 Wat ha ki sngi ka jingshitom,  
 Nuksa jong me ngan bud rukom.

---

**CHECKED**

**State Central Library  
Shillong.**

